

Universitätsbibliothek Paderborn

Mirabilis Vita Venerabilis Virginis Marinæ De Escobar Vallisoletanæ

Deprompta ex ijs, quæ ipsamet jussu Patrum suorum Spiritualium
consignavit

Vitæ Venerabilis Virginis Marinæ De Escobar. Pars Prima

Puente, Luis de la

Pragæ, 1672

Cap. 9. De rebus notatu dignis, quæ illi acciderunt cum Deo, anno
grassantis pestis, quoad mala, quibus punire volebat suum populum
Christianum, & istam Civitatem Vallisoletanam, déque magno zelo, ...

urn:nbn:de:hbz:466:1-38580

CAPUT IX.

De rebus notatu dignis, quæ illi acciderunt cum
DEO, anno grassantis pestis, quoad mala, quibus punire volebat suum
populum Christianum, & istam Civitatem Vallisoletanam, deq;
magno Zelo, quem tunc ostendit.



*Ormidabilia fuerunt, quæ ipsi e-
venerunt cum DEO, A. 1599.
quando pestis affligebat totam
Hispaniam, grassando ab una
Civitate ad aliam: id quod ipsa descripsit
hunc in modum...*

*rebelles, ut probentur & perficiantur boni
obedientes.*

Dum alià vice vehementer affligeret,
non solum propter damna, quæ pestis e-
rat multis allatura, tum quoad bona for-
tunæ, tum quoad vitam, sed longè magis
propter perditionem animarum, quæ ob
tot mortes subitanæas poterat timeri:
quia salus unius animæ redemptæ sanguine
Christi JESU æstimabilior est, quam
omnium facultates & vita. Atq; cum
hac afflictione & summo dolore, conce-
pto ob istam animarum jacturam, com-
patui coram Domino, dixiq; illi: Mi-
dome, Magne & Potens, quid vult agere
Tua Majestas, propter nostra grandia pec-
cata? nunquid nos fortè voles destruere,
id quod meremur, & potes tam mentio
ac justè facere? dum hæc & alia cum ma-
gno meæ animæ dolore proferrem, dixit
mihi Divina Majestas: Omnes destruere
nolo, sed volo quosdam punire, & multos
affligere, ut illi luant penas promeritas,
hi admoneantur, nè eas incurvant: pena
vero afficiet illos, qui ipsam multum me-
rentur. Hoc auditio vehementer indo-
lui, & exclamavi: Ah, mi Domine, mis-
eram me, quid facient infelices? Væ mis-
eris, quid facient? non, propter tuam bo-
nitatem, mi Domine, non fiat id ampli-
us! non pereant animæ redemptæ tuo
preioso sanguine. Hoc enim erat, quod
comminabatur illa poena DEI, & mihi
cor præ dolore disrumpebat, unde ei di-
cebam: Non, non Domine. Et Divina
Majestas respondebat: Ità, ità. Ego re-
petebam: Non, non Domine, propter boni-
tatem tuam. Divina Majestas dicebat:
Ità, ità. Ego rursum reponebam: Con-
sideret verò tua Majestas, per infinitam

§. I.

Prodente se jam peste, animadvertisi,
DEUM vehementer indignari pec-
catoribus, & ingeniens, consideratis tot
necessitatibus spiritualibus & corporali-
bus, quæ tolerantur in hac lacrymarum
valle, rogabam Divinam Majestatem, ut
misereretur suarum pauperularum cre-
aturarum. Respondit mihi Dominus:
Noli ipsas appellare meas creaturas, quia
earum opera, non merentur talem appella-
tionem. Ego tum pudefacta conticui;
sed quia Divina Majestas mihi inspirabat,
mēq; impellebat, ut id à se peterem, eti-
amsi taliter responderet, iterum ipsi pau-
lò pōst dixi: Domine, propter infinitam
tuam bonitatem miserere tuo populo
Christiano. Et Divina Majestas denuò
mihi dixit: Noli cum vocare meum po-
pulum Christianum, quia id non meret-
ur: siquidem propter sua opera magis
videtur constare ex paganis, quām ex
Christianis. Tunc afflita mea anima,
his responsis, rursum illi dixit: Ergóne,
mi Domine, tui servi debent pati & puni-
ri cum peccatoribus? Respondit Divina
Majestas: Nónne verò scis, quid ego pos-
sim formare vestem, quæ omnibus con-
veniat?

*Hoc Dominus dixit isti sua famule, quia
in peste infirmitatibus, diluvyis, & afflic-
tionibus communibus ita puniuntur mali ac*

suam misericordiam, quomodo id possit esse: ineundum enim est aliquod pactum, nec ita fieri oportet, mi Domine. Et urgebam perseveranter ego miserabilis meum Dominum magnum, ac omnipotentem, qui me tolerabat. Offerebam illi meam vitam libentissime pro salute cunctis animis. Jam tum conclusi cum Domino, quod non essent tot mala evenitura, sed solùm aliqua: quia mihi dixit, quod iij, qui deberent alieno malo sapere, id nolint facere, neq; faciant, usq; dum sit Poena in eorum foribus. Vidi DEUM æquissimè agere, ac tantopere dolui, ut non possem esse quieta, neq; læta, dum recordarer, perditum iri illos, quibus obvoluta esset tam mala & infelix sors; semperq; implorabam DEI misericordiam, ut conquiesceret ipsis Justitia, propter ejusdem infinitam Clementiam. Inter hæc mihi dixit DEUS aliquando: Noli tristari; esto hilari animo, ne te ita affligas, non fiet tam multum. Mirè sum recreata, & egipisci magnas gratias, pro hac misericordia.

Eo tempore mea anima erat quasi semper clarissimo quodam repleta lumine, quo cognoscebam magnitudinem, omnipotentiam & Majestatem nostri Magni DEI, ut quodammodo non possem quidquam aliud cogitare. Et frequenter me Dominus consolabatur, appellabatq; filiam, ac dicebat mihi: Quid vis? quando autem ego ipsum invocabam & dicebam: Ubi es, mi Domine? Ille mihi dicebat: Hic sum tecum, hic me habes: semper tamen eram sollicita de his præsentibus necessitatibus, & implorabam ejus misericordiam, atq; etiam cogitabam, an non DEUS propter nostra gravia peccata esset aliquando derelicturus hæc Regna, si cur dereliquerit alia, quæ id promeruerunt suis sceleribus. Et dum ea de re agerem cum Divina Majestate, dixit mihi: Nè timas, quia tu id non videbis. Tum ego dixi: Ceteri autem, mi Domine, qui nunc vivunt, videbuntne tantum malum & afflictionem? Subindicavit mihi, quod etiam non. Rursum dixi: Evenietne tamen aliquando, Domine, tantum malum & in-

fortunium? nam dolor, quem inde percipiebam, me adigebat ad hoc dicendum DEO, qui mihi respondit: Ne id velis sci: re: quasi mihi hoc nollet manifestare, ne me affligeret. Ego suspicata, fore, ut eveniat, mota commiseratione, dicebam illi cum multis lacrymis: Non, non, mi Domine, per tuam misericordiam, neq; jam, neq; unquam. Et petebam id perseveranter à Divina Majestate, quæ videtur me voluisse consolari, dicendo mihi: Quid tandem tuā refert, quod hinc transeam aliò, vel hic maneam, cùm tu, id non sis visura. Ego verò dicebam eā animositate, quam mihi DEUS dabat, alioquin enim non essem tam audax: Refert, mi Domine, multūm meā refert: Domine, per tuam clementiam, nè id facias nunc, sed nec unquam, propter tuam infinitam bonitatem. Dum hæc atq; alia dicerem, advertebam, quod mihi Divina Majestas compateretur, videns me ita afflictam, ideoq; mihi dicebat: Omnia benefient, satisfaciam tibi, & consolabor te. Nunquid autem nihil voles aliud, quād quod ego voluero? Ego illi dixi: Procul dubio, Domine, ego, nihil aliud volo, quād quod tu volueris, & hinc solatium capiam. Dicebat mihi præterea Dominus: Ecce adhuc multum præteribit temporis, & multa effluent secula, multa etiam contingent, & varia evenient. Ego attendebam, quid diceret, neq; poteram non advertere ac intelligere à Divina Majestate mihi ista dici ac manifestari.

§. II.

Majorem incutit horrorem, quod illi accidit cum DEO, eodem anno quando jam lues pestifera infecerat Vallisoletum, ubi illa degebait, id quod his refert verbis. Postquam fuisset decretum in hac Civitate Vallisoletana, ut propter commune Reipublicæ bonum ac vicinorum, egredierentur ex Urbe, repeterentq; suas patrias, quidam miserabiles pauperes, qui ad illam venerant, in eaq; vivebant, intellexi à Domino id ipsi dispuicuisse, & fuisse ingratum. Etsi enim verum sit, eos, penes quos

R 113

erat

erat regimen Civitatis ad id faciendum, per motos fuisse, fortè absq; culpa, ut magis prospicerent bono suæ Republicæ; nihilominus frequenter DEUS permittit propter nostra peccata, & proprium amorem, qui semper exquirit privatum commodum, ut Rerum publicarum Reætores non itâ assequantur, ut par est, id quod est conformius beneplacito ac voluntati DEI, quia sunt profundissima & magna ipsius iudicia, valdeq; latent animam, quæ illum non amat perfectè, sed seipsum, quam amor proprius decipit, dum facit, ut sibi videatur rectè procedere in eo, in quo errat. Hoc intellecto à Divina Majestate indolui, & fui afflîcta, metuens, nè ideo Divina Majestas isti Civitati infligeret aliquam pœnam, ut populus jaætiram pateretur bonorum temporalium, unâq; sanitatis. Simul autem vehementer compaticiebatur mea anima misericordiæ pauperibus, qui abeuntes essent perituri, propter extremam penuriam & afflictionem.

Alio die manè, dum agerem cum DEO, manifestavat meæ animæ, quantopere irasceretur & indignaretur isti populo, quâmq; ipsi disipluerit, quod ab eo præceptum fuerat pauperibus; & una mihi dixit, se constituisse, gravi quodam malo hunc populum mulctare, ut sic intelligerent & agnoscerent suam indignationem. Quamvis autem huic pœnae occasionem præbuerit expulsio pauperum, intellexi tamen jam antiquam esse hanc iram Divinam. Fui afflîtissima & plena dolore, propter id, quod audiveram à DEO, & cum lacrymis illum incepi rogare quâm instantissimè: Hoc non, ajebam Domine, hoc non, propter tuam bonitatem & misericordiam, hoc non Domine; quod sapè iterabam dicendo, ut cogitaret, an ipsi placeret, vellètq; ut ego miserabilis aliquid loquerer de eo negotio, & ne ultrà procederet cœpta pauperum exactio, me enim id velle efficere, quamvis mihi propterea multum esset laborandum. Sed Divina Majestas mihi respondit, se nolle, ut ea de re loquerer; non profecturam, enim me quidquam, neq; mihi adhiben-

dam fidem, & me ideo contristandam ac affligendam, sicut alias mihi contigit; nec se velle, ut idcirco affligar. Quapropter tacui. Dolui tamen vehementer obiram & indignationem DEI, quam in eo advertebam, & agnoscebam, neq; cœlabam illum intueri, ac attollere oculos animæ ad Divinam Majestatem: Videbâr; mihi videre sacratissimum ipsius pectus aperatum, & omnia in eo contenta, ubi etiam cognoscébam indignationem ac iram Di- vinæ Majestatis. Et cùm aliquando ipsum hac ratione contemplarer, incepit subito ac velut in momento emittere imbre tam vehementem, & jacere fulmina tam horribilia, ut mihi incuteret terrorem, moveretq; me ad commiserationem eorum, quibus comminabatur illam pœnam, quamvis ego ignorarem, quinam essent, quia mihi DEUS nunquam manifestat peccata gravia, & occulta ullius particularis personæ; quando verò Divina Majestas in ejus modi rebus vult aliquem adjutum, atq; idcirco uti opera istius miserabilis suæ creature, scit ipse id optimè facere, habetq; multos modos, quibus hoc efficiat, ac propterea hac dare nihil amplius dico. Et intuita Majestatem DEI, vidi ipsum usq; adeo offensum, ut revera existimarem, quod nisi interveniret Sanctissimæ Virginis Domini Nostræ, & aliorum Cælitum intercessio, nescirem quid Divina Majestas esset factura; nam mihi pessimum erat indicium, quod noller, ut ullo modo de hoc loquerer, diceretq; mihi, ut id relinquerm, siquidem essem operam perditura, quodq; me non vellet contristari & affligi, quia nullum successum esset habiturum, quidquid ipsius nomine dicerem.

Videbam quoq; semper omnibus illis diebus, qui erant multi, Majestatem Christi JESU Domini Nostri, intra Sanctissimum Sacramentum, in supplicatione O-ctavæ hujus Festi, videbam, inquam, illum non itâ contentum, qualem se mihi alij annis exhibuit, dum incederet inter suas creature, sed longè alium; id quod ego magnopere sentiebam. Aliquando mihi propter quiddam dixit, se interdum in

pœnam

pœnam peccatorum permettere, ut non inveniatur, qui admoneat populum de eo, quod ipsi magis satisfaceret ac placaret. Audivi ego miserabilis, quod mihi erat dictum à Domino, unaq; dum me alloqueretur, cognovi in ejus Majestate tam stupenda ejusdem judicia & arcana, hanc rem concerentia, ut nequeant verbis exprimi, vel explicari. Remansi tunc vehementer afficta, eo quod nescirem quis rerum istarum exitus futurus, quidue fatus esset DEUS.

§. III.

Dum perseverarem in obsecrando DEO, ut iram suam averteret ab hoc populo adverti, ut mihi videbatur, aliquanto majorem suavitatem in Divina Majestate, quæ mihi quâdam vice dixit: Tace, nè te affligas, quia, quem ego volero servatum, conservabitur; quasi diceret: Non omnia pessum ibunt. Post paucos dies incepit infirmari populus, & moriebantur multi homines, ita, ut Civitas esset turbata, vehementerq; metueret, ac meritò, nè in illa exoriretur aliqua contagio, quam indicabant ingentes calores & siccitates. Ego quoq; miserabilis præter modum dolens, ob hanc miseriam & afflictionem, videndo nos ita à DEO castigari, propter nostra peccata, convertebam me frequenter ad Divinam Majestatem, & implorabam ipsius misericordiam, pro hoc populo. Quod cùm facerem, aliquando manè, vidi Christum Dominum, qui mihi dixit amantissimè, quasi me vellet consolari & exhilarare, significando mihi taliter, non esse suam voluntatem ut omnes moriantur: At tolle oculos, & aspice. Tum sublatis in altum oculis animæ aspexi, ac vidi in aëre, terram, inter & Cælum, quandam S. Angelum speciosissimum, qui elevavit manum suam dextram, & magnâ Majestate bene precatus est ingenti parti terræ, tam largè & amplè, ut suâ benedictione comprehendatur, complexusq; sit rantam latitudinem ac regionem terræ, ut obstupuerim talem potentiam, & mysterium tam admirabile.

Da benedictione subito dispartuit. Ego vehementer mirabar, quod videram, nec poteram oblivisci illius S. Angeli, & benedictionis adeò plenæ mysterijs, dicendo intra me: *Quis Sanctus Angelus fuerit ille tam speciosus ac potens, quem ego non novi, nec unquam vidi?* Respondit meæ cogitationi Dominus: *Est S. Angelus pacis ac benedictionis, & consolationis. Obstupui, & fui exhilarata, postquam ab ipso audivissem, cogitaviq; subinde: Si omnia, quibus obtigit benedictio illius S. Angeli, sunt benedicta, necessariò plurimi homines fuerunt, suntq; benedicti ac liberi ab omni malo, & milerijs, ac infirmitatibus? quo aliquantum recreabar.* Hæc mihi cogitanti, dixit Dominus: *Etsi verum sit, quod benedictio illius S. Angeli, quem vidi, comprehendenter magnam terræ partem, eidemq; obtigerit, non tamen obvenit omnibus hominibus illius loci ac regionis quam vidi, sed alicui tantum ejus parti; cæterum replevit & comprehendit campos ac prata, & fructus terræ, quibus sustentantur omnes homines, atq; etiam mali illius incolæ.* His auditis à Domino, non poteram satis mirari, ipsumq; benedicere ac laudare, propter ejus bonitatem ac misericordiam, quamvis alioquin non habuerim tantum solatium, videntis, illam benedictionem non obtigisse ijs omnibus, quibus ego ipsam favebam & expatabam.

Hoc est conforme dictis mihi antea à Divina Majestate, quod propter nostra peccata essemus ab illa castigandi pecularibus pœnis, cùm nos non emendemus in illis, neq; homines velint credere, irasci ipsis, & indignari DEUM, donec pœna ejus perveniat ad eorum fores, quod modo video, impletum ad literam.

§. IV.

Hoc tempore multi homines extinxeruntur peste in Civitate, ita ut circiter septingenti morerentur quavis septimanâ, modo plures, modo pauciores, præter plurimos, qui exspirabant quotidie in hospitalibus. Erat miserum videre, id quod

quod siebat, & longè pejora in posterum timebantur, ac propterea prorsus merito indies instituebantur multæ preces & processiones ac supplications ad D E U M, Sanctissimamq; ipsius Matrem. Decurrente ita ad finem Augusto, Júdices jusserrunt convenire Medicos, ut secundum principia medica decernerent, an in Septembri & Octobri, quibus mensibus magis solet periclitari sanitas, malum esset augendum & contagio; ut prospiceretur, quid convenientius factu foret: qui dixerunt, malum, quantum ipsi nō s̄ent, juxta suas regulas, futurum multò gravius illis mensibus, quam fuerit tribus jam elapsis: quod cùm ego audivissem, mota commiseratione, recurri ad DEUM, ut imploram ipsius misericordiam, cuius infinita bonitas me est solata, manifestando mihi suo speciali lumine, non futurum gravius malum, ijs diebus, imò, per ejus misericordiam, hoc tempore desitaram illius iram, & fore, ut populus incipiat melius habere. Unde ego recreata à Domino istâ ipsius veritate, quando afflitti dicebant, se timere, n̄e omnes perceant illis mensibus, dicebam: Non timeant, DEO propitio. Et factum est ita, sicut Divina Majestas dixerat: quia paulò ante finem Septembri incepit melius habere populus, & sensim sine sensu, D E O juvante, cessabat strages ac malum, quod patiebatur, donec penitus sanaretur, liberareturq; ab illa lue pestilenti, ut propterea totus populus & meritissimo jure (modò non intermisserint glorificare DEUM) summe fuerit exhilaratus: ideoq; statim incepérunt, quasi immemores, quid illis convenientius agendum esset, instituere multa spectacula taurorum, & comedias ijs diebus, qui fuissent impendendi, quod etiam DEUS voluisse, offerendis Divinæ ipsius Majestati Sacrificijs Eucharisticiis, sicut antea fuerant institutæ preces & supplications pro salute populi. Quod animadvertis Divina Majestas, revelavit mihi ac dixit, sibi ista displicuisse, fuissetq; se ijs offensam, siquidem videret exigua universim & palam demonstrari gratitu-

dinem, pro accepta gratia, cum scandalo bonorum: dixitq; præterea Divina Majestas, & indicavit meæ animæ, condolens, pro sua bonitate, illi fragilitati, ac inadvertentiæ Gubernatorum populi, quæ irritabat ejus iram, se velle, ut suo nomine dicam meis Confessarijs, quò ea de re commonefaciant Júdices ac Prælatos Civitatis. Ego statim feci, quod mihi Divina Majestas imperaverat, ac Patres Societatis sunt pariter exequuti officium sibi à DEO injunctum & commendatum. Admonuerunt Júdices & Prælatos de querela DEI, dēq; eo, quod Divina Majestas cuperet ac vellet tum temporis fieri: sed ipsi omnes, & singuli seorsim eam culpam à se rejicebant, allatis excusationibus, quæ illis videbantur sufficienes (credo eos non fuisse assequutos, neq; intellectissimamplius) verū D E U S, qui eā re fuerat offensus, ostendens mihi, non esse sibi factum ipsorum excusationibus, dixit mihi: Ego illos puniam, propter istud exorbitans delictum, &, in pœnam hujus defectus, ipsis auferam personas convenientes ac necessarias eorum Reipublicæ. Seni vehementer, quod mihi Dominus dixerat, sed videns id à Divina Majestate fieri meritò, verebar, neq; sciebam, quid dicere. Post paucos menses obiit unus ex ijs, qui Urbem gubernabant, & intra duos annos alij duo. Primus est defunctus quodam die, quo celebrabantur in Civitate taurilia, id quod peragrè tulit, questus de eo illâ horâ suis famulis. Secundus obiit oppressus gravi melancholiâ, cùd quid illi quædam secùs successerint, quam consideraverit. Tertius vivere desit, postquam ad obeundum quoddam officium fuisset destinatus, ut ipse aiebat, quò tam non est potitus. Adeoq; fateor, me, quando à D E O jubeor aliquid dicere, quod fieri oporteat ex ipsius sancta voluntate, plurimùm timere pœnam, si id non mandetur executioni, juxta Divine Majestatis imperium, quia semper video consequi sinistros eventus, si prætermittatur.

•e)**(3)

CAPUT